




影舊鈔卷子本文館詞林

四

和10
993
H



和
993
卷

大御前

論其

不空

...

...

...

...

...



文館詞林卷第六十六

詔廿六

赦宥二

不忍文庫

中書令太子賓客監祿園史致館學士王柱國高陽郡開國公臣許敬宗等奉

勅撰

西晉武帝立皇后大赦詔一首

東晉成帝立皇后大赦詔一首

東晉穆帝立皇后大赦詔一首

東晉孝武帝立皇后大赦詔一首

後魏孝靖帝納皇后大赦詔一首

東晉明帝立皇太子大赦詔一首

東晉孝武帝立皇太子大赦詔一首

後魏孝靜帝立皇太子大赦詔一首

宋孝武帝立皇太子恩詔一首

文館詞林

六百六十六

梁武帝立皇太子大赦詔一首

重立皇太子赦詔一首

立太子恩賚詔一首

後周武帝立皇太子大赦詔一首

貞觀年中立皇太子大赦詔一首

後周明帝誕皇太子恩降詔一首

文館詞林

六百六十七

後魏孝文帝誕皇子大赦詔一首

後魏孝文帝誕皇子大赦詔一首

梁武帝誕皇子恩降詔一首

東晉元帝誕皇孫大赦詔一首

東晉元帝誕皇孫大赦詔一首

後魏孝文帝誕皇孫大赦詔一首

文館詞林

六百六十六

文館詞林

六百六十三

貞觀年中誕皇孫恩降詔一首

南齊獻大赦詔一首

東晉成帝加元服改元大赦詔一首

東晉成帝加元服改元大赦詔一首

梁武帝皇太子冠赦詔一首

東晉成帝加元服改元大赦詔一首

東晉孝武帝皇太子納妃^王賜詔首

梁武帝皇太子婚降大辟以下罪詔首

宋孝武帝講武原降詔一首

春蒐大赦詔一首

宋孝武帝巡幸歷陽郡大赦詔首

巡幸曲赦南徐州詔一首

南齊武帝幸青溪宮息降詔首

北齊後主幸大明宮大赦詔首

陳後主幸長干寺大赦詔一首

隨文帝拜東岳大赦詔一首

隨煬帝巡幸北岳大赦詔一首

幸江都赦江淮以南詔一首

武德年中幸通義宮曲赦京城內詔一首

貞觀年中幸國學曲恩詔一首

幸魏王泰宅曲赦詔一首

西晉武帝立皇后大赦詔一首

制詔朕聞王者所與度彘祖宗敬供粢盛
刑于閨闈以儀刑萬邦者必須內主是以
選建長秋正位中饋庶隆化本嘉與百姓
日新其政其大赦天下

東晉成帝立皇后大赦詔一首

制詔傳云正家而天下化蓋美妃后之義
也是以周文稱有亂之盛大雅詠徽音之
章朕以眇身弘濟艱難賴祖宗之重宰輔
元勳羣公卿士之力今長秋既建度告宗
廟正位中饋以奉粢盛軌物六宮刻諧內
典將與四海咸同斯慶加項者年儉百姓

不足宜寬簡省諸儀役其大赦天下普增
位一等自王公以下在職者賜各有差
東晉穆帝立皇后大赦詔一首
制詔夫乾坤表二儀之象開睢明人倫之
始是以咸恒數化成之義風雅詠麟趾之
美所謂正家而天下化朕以寬德纂業洪
緒仰憑祖宗之靈仁愛之訓羣公卿士股
肱之力用能克脩憲章祗述古典今長秋
肇建以正六宮粲盛有奉內化有寄廢弘
惟新形于政道思與億兆咸同斯慶其大
赦天下

東晉孝武帝立皇后大赦詔一首

文館詞林

六百六十六

制詔聖王居位同體二儀匪唯外政亦由
內化是以釐降媯汭虞道以隆文定厥祥
周德斯興欽若典禮長秋肇建體兼天之
儀齊開睢之義應斯奉時正體皇極軌暉
壺闈徽音六宮夫乾坤定位則萬類陶育
兩儀交泰黎元和雍率土悅豫咸同斯慶
大赦天下普增位一等

後魏孝靖帝納皇后大赦詔一首 温子昇
門下朕以寬德纘戎寶命君臨億兆四海
為家頗惟六宮宜有內主奉策宗廟必俟
盛門渤海王以命時大才開物成務剋濟
奸難匡復區夏俾予冲人有所憑賴自天

作合實在大邦造舟所歸物無異望王公
卿士人謀既從大莖元龜罔不襲吉率禮
娉納正位紫宮今朱明在辰祝融御節蒼
蒼品物成是南訛順時布恩蓋唯典故可
大赦天下与人更始

東晉明帝立皇太子大赦詔一首

門下正位儲嗣以寧羣望是用稽古建茲
東宮時洎洪基於靈符染君道於傳訓一
人有慶北庶同休大赦天下增位二等大
酺三日

東晉孝武帝立皇太子大赦詔一首
門下走古先哲王有國有家者必建儲貳

文館詞林

六百六十六

之重以崇無窮之統所以欽奉祖宗克隆
萬葉故嘉義表於陽秋守器著於周易朕
以寬德慕承洪緒虛心慮畏若涉深海思
樹靈根永固遐業今東宮始建皇祚有寄
社稷之慶豈惟朕躬將與億兆夷人咸同
斯祐其大赦天下加位二等大酺五日布
帛之賜主者詳為之制其餘依舊
後魏孝靜帝立皇太子大赦詔一首

北齊魏收

門下朕臨有天下將廿年宗廟歆祀群生
獲又薄德之君何能致此皆由宰相勤王
文武宣力上下協心神祇降祉有育樹宮

未昇儲貳元輔百辟喻以格言且爰命副
君嗣成先業此盖有國之恒規前王之
典也今令月嘉辰少陽崇建無窮之慶
豈獨朕躬加比軍國經紀非無勞役吏
失其所乎有憲侵永言念之思從休泰
宜其中息廣澤欣慰三才可大赦天下
自武定七年八月十日昧爽已前謀及
大逆已發覺未發覺赤手殺人繫囚見
徒之身悉原除之流配邊方未至配所
亦皆聽免

宋孝武帝立皇太子恩詔一首

門下朕虔奉宗祧屬兼艱運仰瞻先構
因識克崇思所以永貽皇緒傳之萬萬
建茲

文館詞林

六百六十六

初弱用貳統歷社稷有慶庶邦仰貞樂敷
訓澤廣被黔首可賜天下為父後者爵一
級孝子順孫賜以粟帛

梁武帝立皇太子大赦詔一首 沈約

門下朕夙纘璿衽君臨四方夕惕蚤畏若
寘川谷思所以光闡洪基剋隆鼎命王公
卿士咸以為樹元立嫡有邦濟先守器傳
統於斯為重是用俾茲幼蒙體軫任貳永
固宗祀以貞萬國元良之寄非獨在余宜
洽嘉慶被之億地可大赦天下賜人為父
後者爵一級

重立皇太子赦詔一首

門下朕臨馭萬邦懍焉祗畏夙夜自強因
知攸濟隨時麗澤因物為心建立儲宮以
寧區宇書不云乎一人有慶地庶賴之思
與率土同其丕福凡天下罪無輕重已發
覺未發覺侵散官物已上清議流徒并被
禁錮在今年七月七日昧爽以前皆赦除
之

立太子恩賚詔一首 沈約

門下朕屬當期運係迹前王思所以長俗
流在垂之萬葉百辟咸以良寄有國莫先
先昔哲后降及近代莫不立儲樹嫡守祀
承祀乃旁挹羣議遠惟七百建茲蒙幼仰

文館詞林

六百六十六

副宗祊承華肇闢宗基克永無疆之慶非
獨在余思需賚澤被之遐迹可賜天下為
父後者爵一級王侯以下量錫幣帛

後周武帝立皇太子大赦詔一首

制詔朕博觀載藉歷選前古粵自炎昊王
度未詳降及夏殷彝章大備罔不崇建元
子俾羨洪業上繼宗祧下安群望姬漢曰
循魏晉弘襲纘緒垂統於是乎在伏惟太
祖文皇帝建茲皇極立我蒸人練石補天
斷螯約地時逢多難運屬樂推事極成功
禮終臣節明皇帝天睠聖哲握紀君臨德
邁望雲道高就曰河海呈瑞則龜龍載文

山岳効靈則風雲昭應朕以不德丕承天
序宵分廢寢仄晷忘飢惕甚納隍慄踰馭
朽寤寐滋永延伫傳巖念求人瘼思迨朝
政公卿百辟億地黎元抗表固陳請崇上
嗣魯國公贊成德未紀遂膺儲禮仍加元
服思與率土同茲嘉福可大赦天下
貞觀年中立皇太子大赦詔一首
門下朕衽膺靈命嗣守鴻基孜孜於政
道兢兢於寶位中夜求衣日旰忘食十七
載于茲矣實欲敦睦九族平章百姓濟斯
人於仁壽及澆風於溥朴永言前載詳思
至道以為儲貳之重宗祧所繫不肖者既

為億地慶之明德者又為社稷立之三善
既隆四海攸賴七廟之祀有寄万代之社
方永元良之慶豈獨在予宜布愷澤被之
率土可大赦天下自貞觀十七年四月七
日昧爽以前大辟罪以下罪無輕重已發
覺未發覺已結正未結正皆赦除之
後周明帝誕皇太子恩降詔一首
制詔禮稱負子詩則斯男明兩任離前星
表吉誕于甲觀生自畫堂欽茲一有以貞
萬國宜與地人共協嘉慶可降死至流降
流至五歲刑五歲刑已下悉原免
後魏孝莊帝誕皇子大赦詔一首
温子昇

門下有國三善事屬元良本枝百葉義鍾
繼體朕應天纂命握圖受錄景祚唯新卜
年以永令月吉辰皇子誕育彩雲映日神
光照殿方開博望將起龍樓遠近同懽人
神共悅便可大赦天下與人更始自昧爽
以前謀及大逆已發覺赤手斂人繫囚見
徒流配未至前所者一以原免若亡命山
澤隱藏軍器百日不自首者復罪如初
梁武帝誕皇子恩降詔一首
門下朕拓樹洪業光宅區宇而本枝之慶
未廣樹掖膝衛之地猶闕藩屏言念弓韜
未能忘懷茅三兒始育磐石之基於焉弥

文館詞林

六百六十六

固慶雖自己思加覃及凡死罪可降一等
五歲刑降二等三歲刑以下並悉原散唯
贛加在三及斂祖父母不在降例

東晉元帝誕皇孫大赦詔一首
門下朕以不德昧于政道自陟帝位迄今
五載雖四海宅心然頑凶未夷封豕長蛇
荐食上國夫保大之功在於經武物無幽
否然後大享事不暫勞則不得永逸是故
命大將遣衆軍掃定中原在此行也自頃
彝倫失序強弱兼并並列齊崩而相為私
隸是以極出良人以備甲卒而百姓之費
公家之出不得操事計以萬數又大化未

濟麗刑者衆牧人者以苛為察庶獄未清
朕恒憂歎皇嫡孫載育百葉之本月云元
曰品物革變思令地庶沛然從善其大赦
天下
後魏孝文帝誕皇孫大赦詔一首
門下朕纂承大業十有四年未能祗奉天
地道合陰陽令五行順緒化致時邕願惟
寬薄載懷慙懼宗廟之靈以今月十八日
皇孫誕育既有嘉慶思與億地同之可大
赦天下咸與更始

貞觀年中誕皇孫息降詔一首

門下固宗祀者允屬元良隆本枝者寔資

文館詞林

六百六十六

往消周德所以休明漢曆於焉長久朕祗
奉靈睭臨御帝國天地降祉宗社垂
祐令月嘉辰嫡孫誕育祥發高禔事踰申
觀一人之慶既洽萬葉之祗無疆宜布凱
澤被億地天下見禁囚徒咸宜降罪死
罪徒流徙徒以下罪並放其犯十惡
常赦所不免官人枉法受財監臨主守自
盜盜所監臨劫賊傷人故斂人謀殺人已
加功者並不在降限內外官職事五品以
上子為父後者各加勳官一轉天下大酺
五日其去年收儉之處百姓既有少乏不
在大酺之限

東晉成帝加元服改元大赦詔一首
門下朕以薄祐少遭閔凶仰瞻增搆孤焚
眇然賴祖宗之靈宰輔之訓羣公卿士之力
用剋堪軌度免諸艱難冠禮之始嘉事之
重虔告宗廟進納元服於成德之不易宴
有愴予乃心將與地庶饗茲寵社其大赦
天下改咸和十年為咸康元年增文武一
等大酺三日賜百官官銀鰥寡獨未五
斛

梁武帝皇太子冠敕詔一首

門下太子養罷春方式備成德休辰肇歲
元服顯加洪基云固大業克永豈以禮茂

文館詞林

六百六十六

三服實亦慶覃地庶凡罪無輕重未結正
者皆赦除之已結正者皆量所優降王公
以下宿衛文武並加班賚為父後者賜爵
一級勤事之職霑以勞位主者可詳當施
行

十三

東晉孝武帝皇太子納妃班賜詔一首
制詔太子替禮既就仰祖宗遺烈憑道德
之資保傳犂翼賢士竭誠慎行無違勉及
成德積善慶隆豈惟在予夫大賚班錫所
以宣其悅情其便依當有賜
梁武帝皇太子替降大辟以下罪詔一首
門下太子藉訓師保年業克富吉日惟良

式昭昏禮道備春宮德光幾望本枝方固
慶魚黎元思弘渥惠以被遐迹凡大辟以
下及諸彈坐可並詳降處主者為條格施
行

宋孝武帝講武原降詔一首

門下昔人稱人道何先莫先於兵雖淹紀
勿用忘之必危朕以聽覽餘閑講事西郊
朝授鉦節士遵師令坐佐有序進退無爽
良用欣焉軍幢以下普量班賚頃化弗能
行而人未知禁官役違調起觸刑細朕每
矜之凡諸逃亡在今昧爽以前悉皆原罪
已滯囹圄者釋還本役其逋負在大明三

年以前一停替責自此以還貧疾老弱詳
所申減所上伐蠻之家蠲租稅半年近藉
巧新制所在兼用多認可普更符下聽以
今為始若先已犯制亦同蕩然

宋孝武帝春蒐大赦詔一首

門下朕受天慶命十一年於茲矣憑七廟
之靈獲上帝之力禮橫四海威震八荒方
巡三湘而奠衡嶽夕九河而檢岱宗今談
卧功成優遊政化雲至鸚降省風畿外兼
觀臺六合之首蒐拔長洲之表命荆江而
起翻詔堯豫而馳足搖嶽蓋海騰沙飛礫
發晉合序鏡提協節入獻祀典饁獸填郊

故張樂揚宮饗戎星樓敬舉王公之觴廣
納士人之壽八風脩通卿雲叢聚盡天罄
瑞率宇竭歡思散太極之泉以福無方之
元可大赦天下行幸所經無出今歲租布
其逋餘責負勿復收賜人爵一級女子百
戶牛酒邦守邑宰及人吏從蒐者普加霑
賚

宋孝武帝巡幸歷陽郡大赦詔一首


門下昔羣黨假權天威震曜雖致尊制令
日月貞明而內屏外扞猶勤先鑒朕以幼
年早羨寵樹朝議晏罷首述藩道而豐弗
身先運屬凶危雖剋定禍亂重創鴻緒感

文館詞林

六百六十六

尋情事痛崩心目今威加四海望袂滄嶽
自去此境廿餘載少壯零落童孺成人里
邑荒耗軍府殘悴觀政臨原將百常慨出
不踰時迴鑿有日暫盡悵飲之歡思廣雲
雨之施可大赦天下南豫州別署勅繫長
徒一切原散其兵廝考襲譴伐恚停徒朕
昔初出鎮將吏賜位二等有犯賊汙勒注
特宜蕩除與之更始軍身服役嘗經齊肉
免為平人

以平明



文館詞林卷第六百六十七

詔卅七

赦者三

中書令太子賓客監修國史知文館學士柱國高陽郡開國公臣許敬宗等奉

勅撰

漢宣帝鳳皇集泰山赦詔一首

後漢章帝麟鳳等瑞改元赦詔一首

後魏孝靜帝膏雨大赦詔一首

宋文帝嘉禾秀烹師赦詔一首

後周明帝靈鳥降大赦詔一首

靈鳥等瑞大赦詔一首

又靈鳥等瑞大赦詔一首

隨文帝獲寶龜大赦詔一首

貞觀年中獲石瑞曲赦涼州詔一首

漢元帝火災赦詔一首

後漢順帝災旱大赦詔一首

西晉武帝三辰謫見大赦詔一首

西晉惠帝玄象失度大赦詔一首

西晉愍帝地震大赦詔一首

東晉穆帝日月薄蝕大赦詔一首

東晉海西公灾眚大赦詔一首

東晉孝武帝地震大赦詔一首

運震大赦詔一首

大旱恩宥詔一首

陰陽愆度大赦詔一首

玄象告譴大赦詔一首

東晉安帝玄象告譴大赦詔一首

南齊高帝水旱乘度大赦詔一首

後周宣帝大旱恩降詔一首

陳宣帝辰象愆度大赦詔一首

貞觀年中為山東雨水大赦詔一首

漢宣帝鳳皇集泰山赦詔一首
 制詔迺者鳳皇集泰山陳留甘露降未央
 宮朕未能彰先帝佐烈協靈百姓美天順
 地調序四時獲象嘉瑞賜茲祉福夙夜兢
 兢靡有驕色內省匪懈永惟罔極書不云
 乎鳳皇來儀庶尹允諧其赦天下徒賜勤
 事吏二千石以下爵
 後漢章帝麟鳳等瑞改元赦詔一首
 制詔朕聞明君之德啓通鴻化緝熙康人
 光照六幽訖惟人面靡不率俾仁風翔于
 海表威運行乎鬼區然後敬恭明祀膺五
 福之慶獲來儀之貺朕以不德受祖宗弘

烈乃者鳳皇仍集麟龍並臻甘露宵降嘉
穀滋生芝草之類歲月不絕朕夙夜祗畏
上天無以彰于先功今改元和四年為章
和元年秋令是月養衰老授几杖行糜粥
飲食其賜高年二人共布帛各一匹以為
醴酪死罪囚犯法在景子赦前而後捕繫
者皆減罪勿笞詣金城式

後魏孝靜帝膏雨大赦詔一首

門下朕承天地之休藉祖宗之業以茲寬
薄欽受大命君臨萬國緬踰一紀德之不
廣明未能燭寔賴將相匡維士庶用命南
徼殷衽北塞萊衣海碣謐然關河不警青

文館詞林

六百六十七

祇惟節則嘉液從來未明在律而膏潤應
序庶品順性群物靡違水火蔭粟祥候茲
備凡我地庶鼓腹可期寔由神祇眷止精
靈是贊有一於斯載深衽荷願循虛昧當
此萬機刑厝未及獄訟不息虐吏日以輕
重朱筆致其淺深肺石靡申圓土貽怨天
下之廣豈曰無之子育黔首也地當憂責
一物非所懼深在予坐衣望曉非此孰念
今宇宙清朗風雨和洽草木條暢昆虫
滋爰仁玉燭宜存寬政赦罪開仁務申息
厚可大赦天下自武定三年五月廿六日
昧爽已前謀及大逆已發覺赤手斂人繫

囚見徒流配邊方未達前所者悉原免
宋文帝嘉禾秀京師大赦詔一首

門下朕奉承宗祀嗣守鴻業夙夜夤畏思
隆丕緒未能光宣先德式揚風教惠政弗
孚矢言靡訓庶徵誓度邊患屬興念深納
隍每懷明發故躬親帝藉敬恭務本芟夷
不端採雪萌瘼頃羣方効捷要荒草面時
和歲稔禎祥仍集嘉稷玄黍頌秀京畿合
稔祕苑擢穗千畝潔粢神倉薦饗郊廟三
才協靈幽顯偕順永惟休祐何以臻茲自
天降康豈伊在予思覃斯慶施于萬邦可
大赦天下文武賜位一等華林園職籌量

文館詞林

六百六十七

賜之

後周明帝靈鳥降大赦詔一首

惟二年八月景子王若曰誥我太師太傅
太保大冢宰大司徒大宗伯大司馬大司
冑大司空爰暨列將大夫士州牧守士公
侯伯子男等夫天不愛寶地稱表瑞莫不
威鳳巢閣因龍躍沼豈直日月珠連風雨
玉燭是以鈎命決曰王者至孝則出元命
苞曰人君孝道所感有虞蒸々來茲異趾
周文翼翼翔此靈禽文考至德下覃遺仁
爰被遠符千載降斯三足表離曜之明效
君道之正將使三方歸本九州龜一惟此

大祉景福在人予安敢讓宗廟之善弗宣
大惠可大赦天下文武官普進二級自今
二年八月十五日昧爽以前大辟罪以下
厥狀發露未發露其案成洎見徒皆悉降
不問

靈烏等瑞大赦詔一首

制詔惟夫天工人代樹之元首休徵咎徵
必有攸應我皇家受天明命奄有萬國夙
宵震惕勵精不怠登靈臺以觀物坐總章
而布政庶幾六沕不起五福相生祖宗貽
厥禎祥頌集九尾一見三足以來仁獸呈
儀慶雲表色至如倉烏赤雀白菟玄狐嘉

文館詞林

六百六十七

禾連理芝草甘露史不絕書充仞天府玉
燭斯調膏雨應節東佐歲平西成屢稔重
以東國行仁哀矜庶獄朕大伯母及第四
姑楊氏迨茲寬政獄宥來西惟姑已至循
心載展伯母礙暑許尋禮送言而有信所
以為國事本由表義無乖爽伯母仁姑屬
尊德懿離隔三紀欣奉一朝既荷天休又
兼家慶思與億地同此骨悅可大赦天下
又靈烏等瑞大赦詔一首

制詔朕聞受命之君必有神靈之異禎祥
之符然後得處乎地人之上不然曷以永
年哉是以方冊所述其事甚衆至如湯有

白狼文有赤雀皆為表明其道一人視聽
我有周誕受天明于今六祀三薦神鳥之
瑞再獻芝草之禎呈九尾於東郊獲三角
於南鄙嘉禾生於舊郊連理出於安定華
平茂乎禁液甘露泣乎芳苑其餘祥見殆
無虛月朕內省寘薄豈曰能致當由大祖
靈聖幽明無極餘慶可覃猥鍾下武可述
先志厲所庶幾安敢讓茲景福壅天之慶
可大赦天下
隨文帝獲寶龜大赦詔一首 李德林
門下昔文出龍鱗軒示於俗字生龜甲堯
告群臣蓋祗奉天心宣揚神化朕以薄德

荷天之休道未潛通常懷愧悚粵以閏三
月癸丑汝州刺史元崇義獻寶龜一其腹
下甲文曰天下揚興隱骨天成文字明顯
傍有二所似日月之字此龜出於汝水得
自漁人崇義見以為遣使任貢朕傳諸內
外俱共遍觀王公卿士咸曰休哉於是尚
書奏儀太常擇日喜見圖書之瑞請式壇
場之禮往者初膺大寶律應仲春禋祀南
郊忌違時令月惟首夏德主於離敢遵肆
類之典仍受龜書之賜皇靈明命昭著殷
勤拜伏震驚增其慙惕上玄之意唯在愛
人自君臨四海憂勞地庶未能草前王之

彫弊變未俗之好究禮教尚擁囹圄弗空
百姓有過實非其罪是朕訓導不明陷於
刑戮何以副蒼昊之德稱黔首之懷責在
朕躬無所逃避今燠怒之使當生長之時
仰惟天道義存寬宥固將潛運生靈俱登
仁壽宜刷蕩瑕穢許其自新可大赦天下
貞觀年中獲石瑞曲救涼州詔一首
門下昔朱鳥降於周代君臣動色黃龍見
於漢室天下稱慶况乃禎祥顯著靈眷昭
然者哉朕嗣守宗祧夙夜夤畏憂勤在於
政道撫育遍於含生十七載于茲矣上玄
儲祉貞石表瑞成命發於文字事高振古

文館詞林

六百六十七

冥苻邁於河洛祚表無疆朕是以式備禮
燎躬謝蒼昊遠于儲兩亦申虔拜玄冬式
序黃鐘在律翔風既切飛雪載零及長至
在辰同雲倏卷既升泰壇爰奉玉帛六合
開朗愛日揚光兩儀交泰靈既允集神祇
永福豈獨在予和樂之慶宜被率土可賜
天下大酺三日自漢魏以來及於近代每
有大慶或賜牛酒然牛之為用耕稼所資
多有宰斂深乖惻隱其男子年七十以上
令州縣各量給酒米麵並以官物充涼州
之地嘉瑞攸出加恩之典抑有舊章涼州
都督府一州及所管縣大辟罪以下見禁

九

囚徒並宜原放其十惡故致人劫賊傷人
竊傷人謀煞人已傷官人枉法受財監臨
主守自盜盜所監臨悉不在施限都督府
官人及當州折衝府并縣官人並宜賜會
以官物充仍令通事舍人一人馳驛往宣
詔并看會涼州百姓給復一年金紫光祿
大夫行同州刺史檢校都督安康郡開國
公李襲譽賜絹一百疋所管縣令賜絹卅
疋因繫之徒雖有罪謹目茲嘉慶弥用哀
矜其京城見禁囚徒宜令皇太子諱慮過
其諸州囚徒遣使入道馳驛往慮十惡皆
不在慮限訖並奏聞仍令所司具為事條

漢元帝火災救詔一首

制詔曰迺者火災降於孝武園館朕戰慄
恐懼不燭變異咎在朕躬有司又未肯極
言朕過以至於斯將何以寤焉百姓仍遭
凶阨無以相振加以煩擾乎苛吏拘牽乎
微文不得永終性命朕甚閔焉其赦天下
後漢順帝灾旱大赦詔一首

制詔朕託王公之上涉道日寘政失厥中
陰陽氣隔寢盜放肆庶獄弥繁憂悴永歎
疾如^疾首詩云君子如祉亂庶遄已三朝之
會朔旦立春嘉與海內洗心自新其大赦
天下從甲寅赦令已來浚秩属藉三年云

月以來還贖其閭顯江京等知識督烟禁
一原除之務崇寬和敬順時令遵典去苛
以稱朕意

西晉武帝三辰謫見大赦詔一首
制詔蓋古之聖王統天御俗咸能仰協陰
陽俯和庶類使休徵咸應率土獲安無災
青之患蒙人康之福朕君臨萬邦託于王
公之上而德不足以承天惠不足以懷物
仁誠未着政刑多失三辰見謫水旱為災
人食不足困于飢饉寢戎不靜征戎勤瘁
亡逃竄於林莽繫執幽於囹圄犯罪離辜
刑傷者衆何不達之遠朕甚自媿也赦過

文館詞林

六百六十七

宥罪易著其象昔灾肆赦書載其義此所
以蕩瑕滌穢責已崇寬祗慎戒異變復之
道也思與百姓曰新其化其大赦天下
西晉惠帝玄象失度大赦詔一首

制詔古之明君導人以德齊之以禮人有
廉耻之風尚何姦宄之有故能令行而不
犯刑措而不用朕以寬德政化多否各徵
任見天象失度陰陽謬沕水旱為灾每覽
斷獄請奏離辜者衆大皆繇役勤瘁窮困
之由上失其道以陷生靈之命朕甚自愧
也間詔當錄廷尉洛陽以散理寬疑有所
寬宥而今唯加京城不及州郡蒙之者實

懼無以上承天貳下全黎元其大赦天下
自殊死以下皆赦除之庶在位羣賢厲意
盡心日新其後具為令

西晉愍帝地震大赦詔一首

制詔朕以寬德昧于大道承祖宗之餘慶
當廢興之歷運受命于茲荏苒四載外不
能掃蕩元寇奉及梓宮內不能協和陰陽
清穆華夷而近地大震動天將以此警肅
朕躬昔昇身之灾殷宗脩德天地變動素
服遷殿今劉載孤寂逆黨乖離前克大舉
席卷平陽然羣庶誑誤染罪者衆宜開弘
宥以功補愆自頃二秦飢荒兵革累年易

文館詞林

六百六十七

子折骨道殫相望無賴之人毀廢漢陽憫
茲窮隸重以歎惻又聞平陽蒲坂已東及
關外六夷咸有反善內附之心其大赦天
下唯劉載起舟家室不從赦例

東晉穆帝日月薄蝕大赦詔一首

制詔朕承先緒纂嗣洪基不能弘濟以道
惠康黎庶至使旺俗流弊以陷于釁辟掠
楚過訐或有誣濫每聽刑竟所以矜悼申
復至于再三而未能過者求其也頃日月
薄蝕五緯愆度謹罰既彰各徵又臻不有
失政何以致此雖懷惕厲罔知其郵資始
厚載乾坤之德肆青宥罪先王仁澤月正

元日履端草始思與萬國暢此惟新其大
救天下賜鰥寡孤獨不能自存者人米五
斛

東晉海西公灾青大赦詔一首

制詔朕以寬德遭家多難慕兼洪基屬當
大重雖夙夜兢兢昧且思政而不能陶融
玄化宣理二氣致令天文改變太陽虧曜
五緯錯繆於上水旱灾害於下外則寇逆
未平戎役殷廣內則勞務未已人力彫弊
而文武之司不能勤盡人隱惟刑之邱罪
者衆獄訟繁積每覽其事愧悼于懷書去
邦之滅否在予一人思惠元元以康地庶

文館詞林

六百六十七

十三

其大赦天下與物更始今年三月七日昧
爽以前謀及大逆手煞人以下皆赦除之
唯苻堅慕容焯不從赦例庶樂生之類逐
陽和以敷育寃結之氣隨谷風以舒散豈
敢以上謝天譴盖所以少慰其心主者依
舊具條制宣下稱朕意焉

東晉孝武帝地震大赦詔一首

制詔夫政道未弘風化未溥求之人事理
盡為遠欲令玄象晷度五緯順序其可得
乎頃者上天垂鑒謹告屢彰朕有懼然震
惕于心思所以存誠致感脩近應遠者在
於議獄緩死赦過宥罪庶因天變與人更

始其大赦天下謀及大逆手煞人以下坐
盧悚拉罪者悉皆原之冠禮之重告成宗
廟前朝舊典晉有位賜蓋酬率土咸同嘉
慶其追增文武位各一等吏刑獄者求盡
情當一失其聽則僭濫功臣賢者社稷所
由替而弗嗣則勲美永湮愛敬者自然之
性幽而弗顯則至行靡聞操業者砭礪之
階略而弗甄則真實沉淪今其簡副刑獄
興廢繼絕有孝於其親忠於其君義婦順
孫見重於邦鄉者又搜揚隱滯務求遺逸
一不之操必令上達其宣下四方皆以狀

聞
文館詞林

六百六十七

東晉孝武帝運震大赦詔一首

十四

制詔朕以寬德昧于政道承祖宗之重託
王公之上雖仰衽先典傍賴宰輔夕惕晨
興思勩遠猷而誠之所感弗能熙暢天和
政之所弘未足允洽時雍嘉祥愆應咎徵
仍至重以天威運震告青觀異衽遑忒懼
有同冰谷可以不仰惟靈謹克已思復鑒
于休否弘其攸濟夫祈天存乎順人剏災
莫若脩德陷于辜蓋司契之責怨讟弥興
寔屢擾之由宜其明郵政刑求人之瘼乃
身存誠惠極危塗炭其大赦天下自謀及
大逆手煞人以下在今年六月十九日昧

爽以前皆赦除之比歲荒儉百姓多弊其
自泰元三年以前所餘連租宿責備減儻
耗壹皆蠲除鰥寡窮獨孤老六疾不能自
存者人卹米五斛寢逆未弥壇場多虞經
略遠防非衆莫濟哀此忒侵勞怨未已豈
忘寧息方事維殷其夏口忒人年既周各
復其本不得以一時充侵遂深以軍名主
者明養此詔以為永制又多有死三存沒
可憫其下所在各賜其家米十斛人遇疫
厲死者家給布二疋於戲百辟羣司並悉
心力嘉謀忠告以匡不逮政有不便於人
者隨事以聞懋弼諧予一人以懷保于地

庶夫登賢進善有國基趾簡靜仁惠為政
所先斯道既弘誠心是暢庶乎衆穀降殷
旱雲興周

東晉孝武帝大旱恩宥詔一首

制詔頃玄象失度大旱成灾由朕之不德
昧于政道雖沒夕惕若厲坐以待旦徵咎
思復因知攸濟自非寬刑省賦惠安百姓
無以仰謝天譴俯塞人責便籌量賑給孤
老明察庶獄且可考計郡縣人戶散之
數一年內死多少有傷化害政不便於人
者各隨局極言得失朕將虚心聽焉往以
強寢縱逸權取賊吏盖當時之宜非經國

之制或因犯事遂譴充皂隸雖羣小多愆亦由使無方陷之刑辟良用憮然其過衛葬一皆散遣縱年限未滿悉還屬所隨才叙用勿拘往制

東晉孝武帝陰陽愆度大赦詔一首

制詔強寇剋殲而經略惟始事役之勤未及一息加比年不登道殍相望物不獲豫則輕陷刑辟頃玄象告變水旱不調天人同符有若影響豈將教違冥復之本化乘覃及之德哀矜未著於此故令陰陽愆度於彼邪惟茲在予永言增歎思_今黎元與之更始羣戎草面開其自新洗誠宥罪庶答

文館詞林

六百六十七

天譴其大赦天下

東晉孝武帝玄象告譴大赦詔一首

制詔上德不言而玄化自運豈時有隆夷將弘之由人邪朕承天位思齊厥旨庶存誠冥復理順漸至而風教弘陵頌聲弗聞玄象違行告譴不已頃雖洗心尅已曾無徵應動之失理其實在予而歸咎百姓陷以刑罰非所以宥元之命對上天之意也今元會大享率土同歡和德始布含生樂遂因感兼懷思令地庶其大赦天下十年以前逋租宿責悉蠲除之

東晉安帝玄象告譴大赦詔一首

制詔夫霜露易節歲功遂其序德刑代揮
哲王凝其宰斯顯仁之至用成務之通軌
自道謝玄風靡不由之者也朕以寬德弗
克負荷洪統靈基中墜泉谷幸賴命時再
建皇極每鑒寐永念三復厥難思弘振王
道以康惟新之祐而理乖昧始其差或遠
虛誠未着灾眚已彰頃玄象屢譴於上允
早每愆于時凶愚之狡猶或妄作豈餘圮
之未澄將在予之寔臻耶仰懷俯慨良增
惟疚其大救天下與之更始謀及大廷手
敎在今年三月十九日以前皆赦除之逋
租宿負應所除者詳為條制徃以年穀荒

儉故禁酒以紓其弊既去稔告登百姓粗
給宣導情禮亦不且久擁可還通之
南齊高帝水旱乘度大救詔一首 王儉
門下朕君臨區寓於今三載雖夙宵寅忒
弗遑荒怠而陰陽未調水旱乘度倉廩既
闕風教多違因固寔繁政刑靡緝万方之
過在予一人思弘優澤勗茲更始可大救
天下逋租宿責祥所原除
後周宣帝大旱息降詔一首
制詔朕以寬薄昧於政方不能使天地休
和陰陽調序自春涉夏甘澤未豐既軫西
郊之難將虧南畝之業興言夕惕無忘鑒

寐良由德化未敷政刑多殫萬方有罪責
在朕躬思覃寬愍被之率土見囚死罪並
降從流流罪徒五歲刑以下悉皆原宥其
及叛惡逆不道及常被所不免者不在降
例
陳宣帝辰象愆度大赦詔一首
門下盡冠弗犯草此澆風孳戮是陷化於
薄俗朕肅膺寶命迄將一紀思經邦濟俗
憂國愛人日次幼勞夜分輟寢而還溥反
扑其靡階雍熙盛美莫云能致遂乃鞠許
之際盈於聽覽春欽之人煩於牢_行周成刑
措漢文斷獄杼柚空勞邈焉既遠加以叢

介醜徒軼我彭汴淮汝萌庶企踵王略甫
兵誓旅義存拯救飛莖挽粟征賦頗煩暑
雨祁寒宜忘咨怨兼宿度乖殫次舍違方
若曰之誠責歸元首愧心斯積馭朽非懼
即建子今月微陽初動應此嘉辰宜播寬
澤可大赦天下

貞觀年中為山東雨水大赦詔一首
門下天地播氣垂生育之德皇王御曆弘
覆燾之仁故能財成萬類光宅八表朕祗
奉茲訓嗣守鴻業美百王之季末屬四海
之彫殘晨興夕惕毋忘地庶尅已勤躬思
隆政道欲使陰陽順序于戈載戢庶幾前

文館詞林卷第六百七十 詔四十 赦宥六

中書令太子賓客監修國史文館學士柱國高陽郡開國公臣許敬宗等奉

勅撰

漢武帝赦詔一首

漢元帝大赦詔一首

魏高貴鄉公大赦詔一首

西晉武帝赦詔一首

東晉成帝大赦詔一首

東晉康帝大赦詔一首

東晉孝武帝大赦詔一首

後魏文成帝恩降詔一首

後魏孝文帝大赦詔一首

宋文帝大赦詔一首

宋孝武帝大赦詔一首

原宥詔一首

南齊武帝原逋負詔一首

南齊明帝大赦詔一首

原逋負及罷省詔一首

梁武帝恩赦詔三首

開恩詔一首

降寬大詔一首

北齊文宣帝大赦詔二首

北齊武成帝大赦詔一首

北齊後主大赦詔一首

後周武帝大赦詔一首

赦齊人被掠為奴婢詔一首

陳武帝宥沈泰家口詔一首

隨文帝免三道送人家口詔一首

大赦詔二首

武德年中曲降十二軍界詔一首

漢武帝赦詔一首

制詔朕聞天地不變不成施化陰陽不變物不暢茂
易曰通其變使人不倦詩云九變復貫知言之選朕

嘉唐虞而樂殷周據舊以鑒新其赦天下與人更始
諸逋貸及辟訟在孝景三年以前皆勿聽理
漢元帝大赦詔一首

制詔蓋聞唐虞象刑而人不犯殷周行法而姦宄服
今朕獲承高祖之洪業託公侯之上夙夜戰慄永惟
百姓之急未嘗有忘焉然而陰陽未調三光晦昧元
々大困流散道路盜賊並興有司又長殘賊失牧人
之術是皆朕之不明政有所虧咎至于此朕甚自恥
為人父母若是之薄謂百姓何其大赦天下賜人爵
一級

魏高貴卿公大赦詔一首

晉張華

制詔蓋至化寬以服人太上仁以懷物以寬故能含
載無方唯仁故能容養萬類苞體元々加勿踐之恩
蛸翽喘々蒙施罟之德議獄緩死而衆生遂其性青
灾肆赦而萬邦荷其惠此雷雨所以著象聖明所以
播德也朕以冲昧獲統天位不明于訓而託公王之
上幸賴先相國晉王匡濟之勲自夏徂荒遠無不化
相國晉王嗣業承緒繼明炤于四方仁風肇被六合
旁靡黎儀億地日新厥志朕嘉使百姓厲精自肅以
承首化其大赦天下自謀反大逆以下已發覺未發
繫囚見徒坐過謫罰禁錮奪勞在今年月日昧爽已
前皆悉赦除之亡失官物及負官責逋久一切亡叛

人赦書到後百日不自出復罪如初敢以赦前事相
告言皆以其罪之之主者具為詔普告天下咸使聞
知稱朕意焉

西晉武帝赦詔一首

張華

制詔居德厚以濟物清刑罰以服眊此皇羲垂象所
以使羣生逸豫也御俗者必先以敬讓導德齊禮然
後億地知方有恥且格三代令主唯茲為務故刑厝
不用大化咸和區之漢文猶斷獄四百而當今德義
不陳獄刑峻密吾既不能寬以居之莅事之吏又不
能以仁恕求中競爭錐刀之末刻木為吏人猶懼之
望四海夷泰与古昔同風此為却行而求及前人也

每覽斷獄之奏居下訕上之訟未嘗不惻然悼心昔
漢相曹參以獄市為寄欲使奸有所容彼豈愛奸人
乎盖哀其皆可化之眊也今六合同軌夙夜兢思
茂建皇極以清其源闡乎大理未知厥路何由且願
令庶隸免一切之患徐与羣賢共濟其弊其赦天下
流宥遠方者皆原之殺人者人之大害互以殺心殺
又諸以凶醜父母親戚所從及犯罪徒邊者不從此
令其申勅有司所以將順厥政輔其不逮宰輔懷曹
參之仁司理守于張之正二千石長吏謹以文教惠
綏百姓庶使萬邦黎蒸各得其所稱朕意焉

東晉成帝大赦詔一首

制詔自中興以來或有艱難而君臣道隆是以雖夷
險有時而政道無虧去年以來三公頻喪為國之基
於此殍悴豈朕之不德將時運之否哀傷悵悵不忘
于懷且政刑之弊或有煩濫宜見蕩滌其大赦天下
東晉康帝大赦詔一首

制詔先王統俗因時適會運有隆夷故應務殊軌至
於流仁惠以陶物崇易簡以臨下開古今而不遷者
其道一矣朕以寬德攝當大重不能協暢靈和緝熙
庶績水旱失度頻歲不登風教陵遲刑網滋彰雖否
運將泰中原漸一梁岷釋甲南夷稽服然河朔蕭條
王澤未浹關右阻貳遺黎塗炭戎車野次役務繁興

征夫勤悴於外百姓勞弊于內每夙夜憂懼如臨川
谷思與羣后求人之瘼使元々之命咸得自新其大
赦天下

東晉孝武帝大赦詔一首

制詔夫百王雖殊尊本則一首物開統貫自孝敬固
饗帝而天人和道高而万物順三代所以不言而被
感極通神者一而已矣朕賴社稷之靈嗣哲洪業帝
維遠廓天衢開夷故霜風晨拂則園陵肅清黎庶忘
勞則七廟增峻萬國覩惟新之盛播紳觀裸薦之容
宜酬情於九有暢大慶於普天且五緯錯序風教靡
聞導達之本仁功未遠政刑之平人未忘怨豈惟物

之多僻抑亦司典不明朕用鑿寐永歎慨然傷懷夫
三才同本通其契者得一恆誠理氣會其極者仁恕
矜而宥之感遠自迓議獄緩死象和德而布澤濂蕩
枯落拂宇宙而咸新其大赦天下永嘉妖賊恚可原
遣逋租宿責一皆除之

後魏文成帝恩降詔一首

門下朕以眇身纂承大業懼不能宣慈惠和寧濟萬
寓夙夜兢々若臨川谷然即位以來百姓晏安風雨
順序邊方無事衆瑞兼呈不可稱數又於苑內獲方
寸玉印其文曰子孫長壽群公卿士咸曰休哉豈朕
一人克臻斯應實由天地祖宗降祐之所致也思与

地庶共茲嘉慶其令大酺三日諸殊死已下各降罪
一等

後魏孝文帝大赦詔一首

門下飛宿澄天表懸象之光列嶽崇地著神區之寶
故微辰闡中玄圃敞朗嵩室鎮極赤縣彬兮耀昊凝
紫以保生真宰緯黃而首唱蒼々子靈功之在茲洪
化之所由矣今元斬秀洛璽歷鏡渾日月凝光寒暑
交蔚冥化与陰陽齊和人風隨天地俱合日止日時
律唯黃鍾萌春潛陟軋正微顯禘天圓頂虔祖地上
百神受職千靈昭享皇依委而下願萌繇繇以仰祐
幽明忽慌神人雜沓者哉朕德匪上皇道慙中叡謬

鍾定鼎運臻升中一昨奉記暫登太儀從步雲峯振
玉風嶺望閭闔而聳氣板辰階以娛衿弗知何德可
以尔乎思与北獻共斯嘉祐且天元之後方務方新
宜開太始章厥猷端可大赦天下与人肇始諸謀反
大逆外叛殺人殊死已下已發覺未發覺繫囚禁錮
自太和十九年十一月十九日長至昧爽已前一皆
原除逋負租調官物違限者自此年正月已前悉聽
與人有司詳准舊式備為條格既与万邑具創風澤
宜各濯心日新厥政咸相申告稱朕意焉

宋文帝大赦詔一首

門下蓋聞遊拱巖廊可以為政象刑而化天下弗犯

朕雖虛薄情在昧旦樂与羣賢共弘政道而德不遠
孚明不燭物致朝野之才多遺庶官之用未盡陰陽
屢亢旱澇成灾奸臣蔽禍逆圖潛結加戎狄侵邊害
流黎庶頻歲師旅行徭未息宵言永念愧悼于懷今
方隅已清衆役寧晏宜脩其本以祛往弊崇息宥過
惠此億地可大赦天下并宣下内外明慎所司戮力
竭誠無或怠逸稱朕意焉

宋孝武帝大赦詔一首

門下歲慶聿新櫛燎肅展耕寔務本教以富立朕式
應協風躬藉三推仰供粢盛俯訓億地庶困庾克行
人和禮興頌天地並貺神祇同愛肅慎楛矢浮溟來

獻西極珍驥涉沙作貢三茅曜寶五靈景祥維德弗
明震乎瑞物思上谷軋錫下敷慶澤可大赦天下尚
方長繫及逋租借責大明元年以前一皆原除力田
之人隨才叙用孝悌義順賜爵一級孤老貧疾人穀
十斛藉田職司優量需賚今歲東作或乏糧種隨宜
貸給長吏親人宣勸異等者詳加褒進

宋孝武帝原宥詔一首

門下昔姬道方凝刑法斯厝漢德初明犴罔用簡良
由上一其道下溷其性今人澆俗薄誠淺偽深重以
寘德弗能正化故知方者尠趣辟寔繁向因巡覽見
二尚方徒隸纓金履校既有矜傷加國慶人和獨隔

凱澤益以愍焉可詳所原宥

南齊武帝原逋負詔一首

門下自律變鍾絲氣移靈革清華謝德日月還輝朕
垂冕中朝肅承靈命求瘼待異動慮分宵雖減賦平
繇救之俗弊議獄考官暢茲毗鬱而運革博尤時殷
澆暮四眊或阻九稔未儲興言以念有疚懷抱凡厥
率土自建元以來所負府庫金穀悉原不替庶以知
榮厚於游覽均茲粟於水火

南齊明帝大赦詔一首

徐孝嗣

門下夫三辟興於標季十失在乎嚴刑張弛之宜此
焉攸急朕靖鑒中皇于茲五載方冊日陳前圖靡墜

廣恥未期圖訟猶廣邦之不減寤寐矜歎今陽和用
事品物咸新宜覃地庶与之更始可大赦天下逋租
宿債在四年之前悉皆原除

南齊明帝原逋負及罷省詔一首

徐孝嗣

門下朕以寬薄嗣膺寶統對越靈命欽若前圖思所
以敬守成規拱揖羣后而哀荒在日有懜大猷慮軫
納隍兢逾待且旦宸居惟始八表觀風宜育德振人
光昭睿軌凡逋三調及衆責負在今十一年七月卅
日以前悉同蠲除其備償封籍而貨賣未集亦皆還
主御府諸署池田邱治興廢治事本施一時於今無
用詳所罷省公宜權禁壹以還人開市征稅務從優

文館詞林

六百七十

九

減主者量為條格

梁武帝息赦詔三首

沈約

門下朕受天明命光宅區宇仰調六漠旁詔百神日
異劬勞于今三載矣雖靜言宣室留心聽斷而九服
遐阻四聽靡達恩未被毗化闕覃遠不能以仁義浸
澆禮讓甄陶觸網入刑誠非外至致茲罔淺抑有由
然獄書日聞於幄坐弊罪相係于圜室陷之在余良
以多愧宜矧愷澤昭被率土可大赦天下

門下先天而天不違後天而奉天時然後可受金策
於龍圖應寶命於天位与二儀而同運一六合而光
宅書不云乎皇天無親惟德是輔人心無常惟惠是

懷朕承百王之後當萬乘之尊不能使青雲呈瑞白
環表祥道被域中守在海外無因布政空荷重負幽
憂未除精華已竭豈宜再臨太階重辱神器方欲縱
心任杖歸老邱壑迫以羣臣之請隨萬姓之心慄乎
夕惕坐以待旦思俾地咸與惟新可大赦天下其逐
食流移犯事逃亡並聽還復本業蠲課三年流徙清
議禁錮奪勞亦同寬釋在位羣臣宿衛文武邊疆式
咸有劬勞普賚一階孝悌力田為父後者賜爵一
級

門下朕昧旦劬勞慮切人命哀矜之情徒積漸被之
功闕然從善知義未臻乎比屋弊罪斷刑猶勤於聽

覽願已脩衷良以多愧興言重辟思加令免凡死罪
已禽錄特令生命止付治署若罪應入死而逃叛未
禽可開恩五十日並聽自首不問往罪是公家役限
令各覓處自効遠近適意是其家口應坐質謫迹從
原宥

梁武帝開恩詔一首

徐勉

門下夫樂所自生含識之常性厚下安宅馭俗之通
規朕矜此庶眚無忘待旦亟弘生聚之略每布寬恤
之恩而編戶未滋遷徙尚有輕去故鄉豈其本志資
業殆闕自反莫由巢南之心亦何能弭今開元發歲
品物惟新思俾黔黎各安舊所將使居無曠土邑靡

游人雞犬相聞桑柘交畛凡天下之人有流移他境
在今天監十七年正月一日以前可開恩半歲悉聽
還本蠲課三年其流寓過遠者量加程日若有不樂
還者即使藉為伍准舊課輸若流移之後本鄉無復
居宅者村司三老及餘親屬即為詣縣占請村內官
宅令相容受使戀本者還有所託凡坐為市埽諸職
割盜褻減應被封藉者其田宅車牛是其生之具
不得悉以沒入皆優量分留使得自止其商賈富室
亦不得頓相兼併遁叛之身罪無輕重並許首出還
復人伍若有拘限自還本役可明為條格咸使聞知
梁武帝降寬大詔一首

徐勉

門下朕矜此下人鑒寐興想赦過之令氣序相尋而
罕識愚人尚多犯法思同雷雨降茲寬大凡劫賊未
擒及結正餘口未擒者悉聽詣所在自首還復人伍
或犯死罪而家人非從坐者亦聽遣質依前許首若
罪應入重而不預權制可特原死依權制補謫經亡
叛隱匿賀襲巧注皆許首正女丁質繫權悉散遣其
割盜亡失守責違負家丁質駐同聽權散許自輸送
凡前諸科成開恩百日今九年以前三調逋餘非列
畢限州郡精加檢括審在人間未入官者並聽停替
主者詳為條格施行

北齊文宣帝大赦詔二首

魏收

門下朕夤應大命悚咎上靈入坐青蒲出居黃屋永
懷政術無忘化本文武兼運賞罰俱行用恢九道是
寧萬國玄穹孔鑒諸神效祀寶圖已協玉燭無違所
以晉缺王詩魏執帝藉壘稱侍國久亡褒土自我會
昌隨運而至鳥迹□蟠飛光漾彩豈伊人事理契冥
符屬此非常朝野動色幽明萬貺欣贊有典解網弘
施抑惟舊章願脩宣德推而弗處寔用祗懍匪遑休
息夜思待旦安不忘勤沙漠遺虜為梗厯葉江淮宿
夷隔代未款或六師親指或三軍薄伐玄海息其橫
波赤野卷其毒霧胡馬追風汗赭而遠入越象垂鼻
蹈節以呈馴遐迹率從中外一體天眷廟靈同獎興

運往者印山潁川諸有勝捷秦中將士久見俘囚比
加寬貸有所料免義在申恩非要力用而感德奮身
効立攻討圖勞命賞並出優洽自餘拘禁未從霈然
雖來非慕義而事由駢逼原心略迹在可哀矜既涅
成群品含養庶類本存覆燾何論彼此苟曰非所是
用傷惻又率土之廣黔黎之衆形肖天地氣稟陰陽
宰害吏侵致虧亭毒有一於此良所寤歎今三方大
定關隴未夷謀夫展策以抑揚猛士效勇而慷慨方
介馬出車蕩刷逋醜鼓行而超涇渭指畫而掩爪涼
思流惠區中加仁域外明雷雨之義開造育之始可
大赦天下自天保七年七月廿六日昧爽以前赤手

殺人繫囚見徒悉皆原免

門下兩儀言大以生為德四時之信仁實為首朕撫
茲興運尊居域中協契神祇冥心造育以至道弘濟
義不獨善慈惠所在形有俱遂是故齊居深念志先
含養根荄蠲蠕思無天閑一物非所常以惻然欲令
品庶咸得其性雖區寓穆清朝野寧緝風雨調節日
月光華雖休勿休無忘夕惕尚恐下情未達上聽不
廣吏垂其道入致怨侵疾苦或存息意猶隔俾我中
懷未宣率土子育黔首能不伊慨赭衣艾鞶齊德導
禮通之有術夫復何難又以江東旅拒年代淹積慕
義畏威交臂藩欵疇日匪眈咸為臣妾秦隴逋誅久

穢閑輔天篤其禍魁藪先亾更相翦害胤嗣孤弱衆
叛親離莫不解體方六師雷動伐罪弔毗廓周漢之
舊墟奄苾沙而為一將使億兆同欣王略無外思所
以捨過宥罪持網解目蕩滌牢狴叶暢時和凡百食
毛賜其更始可大赦天下自天保九年四月十九日
昧爽已前赤手殺人繫囚見徒悉皆原免孝子順孫
義夫節婦道著丘園者標其門閭俠藏軍器亡命山
澤百日不伏首者復罪如初敢以赦前事相告言者
以其罪之赦書日行七百里

北齊武成帝大赦詔一首

魏收

門下齊應天曆會昌神道代及握紀照臨萬方朕以

宣德對揚靈命將茲大業作君四海永言丕緒夙夜
惟寅昔高邑成禮繁昌正位受圖綰璽仍晉之陽冬
序告終六龍啓路元春獻吉欽著前典紺幄紫壇配
聖尊極清廟大官升食合祖協時展事成序幽明陟
降薦享寔深感暢加以百辟庶寮執斯故實奉深主
鬯屢聞聽覽釐此陰教固本少陽百王彛範事非撓
拖俯從群請俱正其位願以虛薄允答天休王度國
章人神以愜猥居人上子育率土思暮堯舜平此太
階今方隅肅然中外一體股肱爪牙心如鐵石謀猷
折衝穆我風化陽煦云始庶品方作順天播澤今也
其時蕩刷瑕穢混清區宇与物更始無息不洽可大

赦天下自大寧二年正月十八日昧爽已前謀反大
逆已發覺未發覺赤手殺人繫囚見徒及長徒之身
悉從原免流徙邊方未至前所者並亦聽還清議禁
錮及七品已上犯奸盜之徒亦在原限九州職人並
進二級内外文武百官並進一級亡官失爵復其資
品凡諸賦稅懸在人间及逋租懸調負貸官財主掌
自盜亦皆勿徵諸為父後者賜爵一級

北齊後主大赦詔一首

魏收

門下昊天不弔降茲大禍大行太上皇帝委弃率土
昇遐奄及攀號永慕上下崩殞仰惟誕聖應期樂推
在運尊居宸極大濟區寰垂日月之明灑雲雨之澤

百神奉職千齡云在三才允穆万代一時雷霆所致
罔不奔走舟車混會九域歸仰禮以正朝樂以移俗
有感咸遠日用不知天平地成何思何慮神遊物外
為而弗有言訪崆峒且眷姑射悠然獨遠糠粃堯舜
牢籠遂古無得而稱朕以虛宣夙承寶曆膝下過庭
罔極空軫精誠罕鑒荼蓼遂臻永惟窮毒泣血靡告
惟我爪牙心腹不二之臣體國銜哀義百恒品億地
蒼生宿賴矜貸若喪考妣事切唐人仰惟先旨深慈
廣洽宜宣弘施被以餘恩惠及囹圄且滌瑕穢可大
赦天下自天統四年十二月十五日昧爽已前謀反
大逆已發覺未發覺赤手殺人繫囚見徒長徒之身

一切原免流徙邊方未至前所悉亦聽還九州職人
普加四級內外百官並加兩級亡官失爵悉復資品
天統三年以前凡諸賦稅懸在人間及逋租懸調一
以原免其常赦所不免者不在赦例

後周武帝大赦詔一首

制詔人生而靜純懿之性本均感物而遷嗜欲之情
斯起雖復雲鳥殊代文質異時莫不限以隄防示之
禁令朕君臨萬寓覆養黎元思振頽綱納之軌式比
囚人有犯與衆弃之所在群官有愆過者咸聽首露
莫不輕重畢陳纖豪無隱斯則風行草偃從化無違
導德齊禮庶幾可致但上失其道有自來矣陵夷之

弊反本無由宜加蕩滌與人更始可大赦天下
後周武帝赦齊人被掠為奴婢詔一首
制詔無侮燒獨事顯前書哀彼矜人惠流往訓偽齊
末政昏虐寔繁災甚稽天毒流比屋無罪無辜係虜
三軍之手不飲不食僵仆九達之間朕為人父母職
養黎庶念甚泣辜誠深罪已除其苛政事屬改張宜
加寬宥兼行振卹自偽武平三年以來河南諸州之
人偽齊被掠為奴婢者不問官私並宜放免其住在
淮南者亦即聽還願住淮北者可隨便安置其有癯
殘孤老飢餓絕食不能自在者仰刺史守令及親人
長司躬自檢校無親屬者所在給其衣食務使存濟

陳武帝宥沈泰家口詔一首

徐陵

門下罰不及嗣自古通典罪疑惟輕布在方策沈泰
反覆無行遐迹所知昔有微功仍荷朝寄割符名郡
推轂累藩漢口班師還居方岳良田逾於四百食客
非止三千富貴榮華政當如此鬼害其盈天奪之魄
無故猖狂自投獠醜雖復知人則哲惟帝其難光武
有敝於龐萌魏武不知於于禁但令朝廷無我負人
其部曲妻兒各令復業在取及軍人若有恐脅侵掠
者皆以劫論若有男女口為人所藏並許詣臺申訴
隨文帝免三道送人家口詔一首
李德林
門下往者周歷將窮禍生寓內四海之望有若瞻烏

尉迴跋扈鄴城吞六國之半司馬消難起趙安陸合
三吳之後王謙割據崕峨稱兵內曩並鷓鴣豕食蝟
起狼驚士庶相憂溝壑非遠朕昔當朝宰任專征伐
每簡將帥遞出兵車憑上天之靈藉羣才之力干戈
所及雲除席卷諸將懷熊羆之心執法守鷹鷂之志
奮疾雷之怒行嚴霜之誅逞亂家口咸充賞物論此
三凶前朝貴仕各揔藩鎮俱有威權搖盪三方擁逼
地庶元謀同惡其數無幾自餘則在其同羅皆被迫
脅形同醜類事非本心親戚因之長為賤隸同國境
之內共聲教之下或良善親通或衣冠血屬邑屋桑
梓舉目弗遙男曰人奴女為人婢其為憂歎何止向

隅同感性靈咸相愍念况朕受天明命為其父母有
一於此情深納隍誠欲盪滌疵瑕悉以原宥但今配
之日析物賞勲虛而奪之功臣或怨其後尉迴司馬
消難王謙作逆非元謀之家良口配動人見為奴婢
若有家人親舊依本析物之直贖者聽之若無家人
親舊有口之人宜具錄文薄即上尚書官為酬贖庶
使有功獲賞不失王者之信有罪見恤微示哀矜之
情

隨文帝大赦詔二首

薛道衡


門下朕肇開寶運君臨區宇承干戈之後當澆弊之
俗思欲代刑以德改薄歸淳使人識廉恥家興禮讓

雖遷善之眚十室變九而不移之性莫能盡革憲網
由其未輟囹圄所以尚存每臨朝聽政法司奏獄惻
愴不怡終夕忘寐顧惟薄德感物未弘責實存予興
言慙惕今冬律已窮陽和方始宜申惠澤咸使更新
自開皇七年十二月一日已前犯罪之徒宜依前件
門下春生夏養天地之大德解網泣辜聖人之明訓
朕恭膺寶命撫臨四海承喪亂之後當凋弊之辰憂
勞庶務不遑寢食夜思政道坐以待旦欲使人皆從
化家悉遷善禮讓興行刑罰勿用而德慙感物道有
未弘致使囹圄尚存憲網不息每法司敷奏言及刑
名念彼溇風良深愧歎時惟開歲陽和載始宜順天

布澤与物更新可大赦天下自開皇十九年正月七
日昧爽已前大辟罪已下已發露未發露繫囚見徒
悉從原放

武德年中曲降十二軍界詔一首

門下朕膺籙受圖君臨區宇承凋弊之餘俗極黎元
於塗炭夕惕思乂日旰忘勞每念粟帛不豐人多匱
乏干戈未戢獄犴猶繁納隍之慮無忘寢食然而神
臯奧區京畿攸在四方輻湊之所萬國朝宗之地頃
年薄伐師旅荐興行役轉輸不遑寧息加以往因喪
亂條章廢



文館詞林卷第六百九十一

中書令太子賓客監修國史弘文館學士上柱國高陽郡開國公臣許敬宗等奉

勅撰

誠勵

漢武帝責楊僕勅一首

西晉武帝戒州牧刺史勅一首

責舉誠牙門勅一首

誠計吏勅一首

貞誠郡國上計掾史還各告守相勅一首

宋文帝與彭城王義康勅一首

梁武帝與劉孝綽勅一首

命百官聽採勅一首

隨文帝答蜀王勅書一首

貞觀年中與李玄明勅一首

與于乾長勅一首

貢舉

北齊武成帝舉士勅一首

隨文帝令山東三十四州刺史舉人勅一首

除授

北齊武成帝除崔士順散騎侍郎勅一首

命婁道遜兼正負迎陳使勅一首

除潘子義持書裴謁之殿中侍御史勅一首

除源那延持書房昭太守勅一首

除奚瓊等太守勅一首

除盧景開太守等勅一首

北齊後主除崔孝緒等太守長史勅一首

起復邢恕屯田郎勅一首

除李遵等官勅一首

除并州沙門統寺勅一首

除僧慧肇冀州沙門都維那勅一首

貞觀年中授杜如晦等別檢校官勅一首

命房玄齡檢校禮部尚書勅一首

黜免

隨文帝解石孝義等官勅一首

免常明官爵勅一首

免馬仲任官爵勅一首

臣敬宗等謹案勅者正也書稱勅天之命其名蓋取此也周穆王命鄧父受勅憲即其事也漢責楊僕其文尤著今歷採史籍以備勅部

誠勵

漢武帝責楊僕勅一首

勅將軍之功獨有先破石門尋陘非有斬將塞旗之實也烏足以驕人哉前破番禺捕降者以為虜掘死人以為獲是一過也建德呂嘉逆罪不容於天下將

文館詞林

六百九十一

軍擁精兵不窮追超然以東越為援是二過也士卒暴露連歲朕為朝會不置酒將軍不念其勤勞而造佞巧請乘傳行塞因用歸家懷銀黃垂三組夸鄉里是三過也失期內顧以道惡為解失尊之序是四過也欲請蜀刀問賈幾何對曰率數百武庫日出兵而陽不知挾僞于君是五過也受詔不至蘭池宮明日又不對假令將軍之吏問之不對令之不從其罪何如推此心以在外江海之間可得信乎今東越深入將軍能率眾以掩過不
西晉武帝戒州牧刺史勅一首
勅夫興化濟功俾官守業朝夕日新者其要在於董

司也刺史銜命方州兼總戎政宣風于外儀表萬里
宜直道正身軋率諸下彰明禮教陳之德義揚摧清
濁彈枉流穢當令舉善而士高其行去惡而百城震
肅斯其所以賦任而簡于朕心况慶賞乎若乃不祇
厥司不虔于度綱弛事荒吐茹違中公節不立私交
是務則將墮于乃績害于尔家豈惟陵夷有疚王事
無違于柔無復于剛無剋以傷物無寬以漏非無愆
于酒德無盤于遊田其詳案科條夙夜無怠滅之哉
動靜以聞

西晉武帝戒牙門勅一首

勅將者國之捍城人之障衛是以古者難其人以尔

文館詞林

六百九十一

忠壯果烈武堪偏率故授牙旗之任當敬承所稟唯
命是校撫循士卒著挾纊之恩整軍齊衆立難犯之
威無挑功害能無清謁受財無見利忘義無勇而為
暴赴武夫詩稱所以為美臨戎不毅春秋所以著
戒尔其慎之動靜數以聞

西晉武帝戒計吏勅一首

勅頃者年穀不登朕用夙興晏寐未常能違夫陰陽
不和水旱不時此朕之不德也若乃地利人事或有
未盡是誰之過與郡國守相各以賢材莅官百姓不
足將何以上稱朕意下濟黎庶耶諸應課田為盡力
南畝不在軍休假者為皆勦力親農與父兄伯叔同

其勤勞不豪右貴戚役細人以損農作不凡如此類
及逐末捨本遊食商販之徒皆人蠹患王政之所禁
也二千石長吏不以此為憂朕將誰與為化掾史皆
股肱本郡奉計於王朝故親喻意還各使守相知此
指明察屬城對身以率之亦有申勅監司峻明其法
如怠慢國憲不念恤功于人將議事制法豈任常刑
而已哉可不勉與

西晉武帝戒郡國上計掾史還各告守相勅一首

勅夫興化之道有常而化成之功相背由於司牧所
脩之務異也二千石剖符于外賦政千里宜直道正
身以清簡為先發崇教本明慎用刑納之軌物訊之

文館詞林

六百九十一

義方除其灾害阜其財求使安土樂業而禮讓興焉
若乃寬猛失中人散政荒交私事未釋實修名匪唯
茲損流於百姓國有黜陟其將從之無日不顯勿謂
不聞虛心候且聽四方之政刑其明宜詔喻旨使咸
知朕意

宋文帝與彭城王義康勅一首

皇帝敬問彭城王禮賢下士聖人垂訓奢侈矜尚先
哲所去豁達大度漢祖之德猜忌褊急魏武之累漢
書稱衛青云大將軍遇士大夫以禮與小人有恩西
門安于矯性同異關羽張飛偏任俱弊行已舉事當
深鑒此西楚殷廣宜勤接對府舍池堂無求改作訊

獄決當擇善從之不可專意自決凡左右所陳不可洩漏或相讒謗勿輕信受每有此事宜善察之官爵賜典尤應裁量吾於左右雖曰少恩如聞外論不謂為非聲樂嬉遊不宜令過蒲酒漁獵一切勿為供奉一身皆令有度竒服異器慎不可興宜與佐吏為數不數則不親不親則視聽不博於言事者不得自盡皆急務也尔其慎諸

梁武帝與劉孝綽勅一首
吾君臨區寓於茲五載日昃劬勞亦已極矣但四方遐曠九重深隔雖寤寐在心餐寢為慮刑政人虞無由悉知本非憚勤勞但困而不舉今使卿分掌州事

如前庶必共盡心力憂國如己凡事崩雖輕末累恒重不得謂是小闕情而不言致成後患為弊不淺時人多尚榮利不恤公家潤存於身則深以為念事在朝廷則不關懷抱此豈設官分任授受之義哉今有此勅宜置之坐右題之机案動止尋閱常以在懷不得謂為恒事旋復訛息有司直筆良史執簡至公無私可不勗歟

梁武帝命百官聽採勅一首

吾未明求衣夜分不寐劬勞政道於斯已極但九重深隔四方曠遠人政之蠹容未悉知明目遠聽屬在匡翼自今若近若遠動靜事要宜聞之朝廷者可知

以採聽有所聞見隨事牒啓若一月之中都無所聞則每來月之朔亦啓云無事同休等感期寄斯在想深存憂國副其往意

隨文帝答蜀王勅書一首

省表具意我為天下父母子養黎元分命藩牧親賢並任欲使允黔首之望副上天之心謂汝地居臣子情兼家國所以康蜀要重委汝鎮之汝乃奢僭驕溢上慢下暴懷惡樂禍于紀亂常酷虐良家輕於草莽誅戮無罪毒甚豺狼唯縱邪心不憚正法諂媚附已則榮賞以悅情正直奉公則陰殺以滅口欺君欺父不子不臣乃私立關剗密防行路盜置郵驛陰訪京

師瞬眈二宮佗覲灾釁伺察內外希望艱危乃親受所踈離間骨內容納不逞結構異端妄傳大風拔樹虛稱日鬪見血本無天瘡乃云眼見本無天狗遂道耳聞或言狐不畏人來犯禁衛或言狗斬兩段更立而號我有小小不和汝伺覘之人即往報汝聞便有異志望我不起皇太子汝兄也令人遠覘心冀不祥假託妖言乃云不終其位妄稱鬼恠又道不得入宮暫向楊州即剋必厄四月纔患微氣乃證鬼病難除自外妖訛千端萬緒汝每聞之喜形於色汝復自言骨相非是人臣自言德業又堪承重妄道清城出聖欲以已當詐稱益州見龍託言吉兆於是重述木易

之姓更修成都之宮妄說禾乃之名以當八千之運
橫生京師妖異以澄父兄之灾妄造蜀地徵祥以符
己身之籙汝豈不欲得國家惡也天下亂也遂懷內
侮之心欲問罪君側豫造京師之檄成於汝手密求
惡毒之藥驗在使人輒造白玉之珽又造白羽之箭
文物服飾豈似有君苟欲圖之無所不至乃召集左
道之徒信用巫蟲之說道人道士備盡妖邪咒詛名
川皆令符書鎮壓漢王於親則弟也乃書其形像書
其姓名縛手釘心枷鎖杻械仍云請西岳華山慈父
聖母神兵九億萬騎收楊諒魂神閉在華山下勿令
散蕩我之於汝親則父也復云清西岳華山神父聖

八
母賜為開化楊堅夫妻迴心歡喜又畫我形像縛手
撮頭仍云請西岳華山神兵收楊堅魂魄豈有為人
臣子作如此形狀今謂汝非人也我不應生非人之
子謂汝是人也汝所為復不似人乃天地之所不容
人倫之所未見我今不知楊諒是汝何親不知楊堅
是汝何親不知楊堅之妻復是汝何親若是汝父母
也汝不應如此惡逆若非汝父母也汝復何從而生
我心想此事尚不忍及汝有何情頓至於此汝表云
孤窮之切者汝若有父有母有孤有窮觀此行懷不
似有父不似有母知有何孤知有何窮然父子君臣
人倫最重汝乃君父之尊恩義並滅臣子之道愛敬

俱淪遂苞藏凶慝圖謀不軌逆臣之跡也是汝不誠
希父之灾以為身幸賊子之心也是汝不孝懷非分
之望肆毒心於兄悖弟之行也是汝不順嫉妬於弟
無惡不為滅孔懷之情也是汝不睦建國養人法令
為本汝壞亂之極也是汝不畏縱其毒螫多殺不辜
豺狼之暴也是汝不道剝削黎庶窮其妻子酷虐之
甚也是汝不仁不務道德唯求財貨市井之業也是
汝不恥違弃心理專求妖邪禳之事也是汝不肖
父為基業子弗負荷不材之器也是汝自弃凡此十
者滅天理逆人倫汝皆為之不祥之甚欲免以患禍
長守富貴其可得乎孔子曰孝無終始而患不及者

未之有也今日於汝方復見之汝表又云乞見瓜子
者豈非父子之道天性也慈愛之心難奪也欲知我
及我婦在日愛念於汝如汝之愛念瓜子也但父子
之道私也君臣之義公也不可以私廢公聖人之教
也我上為宗廟社稷下為四海百姓故割此小愛以
全大愛割此小慈以全大慈周公有言鷓鴣鷓鴣既
取我子毋毀我巢此之謂也然邪臣惡子自古有之
不謂今日近出於我晝夜憤歎廢寢與食實亦慙愧
幽明豈直朝野而已汝若有心可思審此勅也

貞觀年中與李玄明勅一首

勅交州都督府長史李玄明交

文館詞林卷第六百九十一

宋之官也今日許敬宗修文館詞林

文館詞林

文館詞林

經籍訪古志

文館詞林零本十卷 弘仁十四年鈔卷子本

見存百五十八四百五十二四百五十三四百五十九六百六十二
六百六十四六百六十八六百九十一六百九十五六百九十九凡十卷
首題文館詞林卷第四百五十二碑卅二百官廿二次行署中書
令太子賓客監修國史弘文館學士上柱國高陽郡開國公
臣許敬宗等奉敕撰次行題將軍二載目錄界長六寸七
分幅七分每行字數不整筆力沈道卷末記云校書殿寫弘
仁十四年歲次癸卯二月為冷然院書捺冷然院印嵯峨院印
二印按唐會要云顯慶三年十月二日許敬宗修文館詞林
一千卷上之見在書目舊新唐志所載卷數皆同此本依
跋文攷之弘仁中奉敕書寫置之冷然院冷然院乃儲御書處

貞觀十七年罹災祕閣收藏圖籍文書悉為灰燼事見三代實錄後以然字從火改用泉字見拾芥鈔引天麻御記而是書得免災僅存者意當時從上皇在嵯峨離宮故未捺冷然嵯峨二印卷散在諸處高野山所藏尤多現存二十餘卷一云十六卷憾未得盡窺之昔時僧裔然入宋話及我之書內有文館詞林時人不知其目以館作觀且誤謂皇朝人所著事見宋朝類苑引楊億談苑知是書在宋初已失傳則雖零卷殘軸所存不多實可寶重矣文化中述齋林君得此書零本收於佚存叢書中近日孫星衍續古文苑阮元四庫未收書提要皆援引之則已播西土但其所傳僅四卷不及其他是亦可憾耳按弘治十四年唐穆宗七年唐僖宗之乾符二年也

文館詞林跋

先是日本文化中林述齋刻逸存叢書收文館詞林四卷中土驚為祕笈及余東來見森立之訪古志所載又有溢出此四卷之外者六卷因據以蹤跡之則又溢出於訪古志之外者九卷除林氏已刻之四卷及第三百四十八之馬融廣成頌餘十四卷今星使黎公盡以付之梓人其大字疏行者係小島尚質從原本摹出其小字密行者則傳鈔本也中間不無奪文壞字覽者當自得之阮文達據唐會要垂拱二年于文館詞林內采其詞涉規試者勒成五十卷賜新羅國王因謂當時頒賜屬國之本原非足冊今攷藤原佐世見在書目有文館詞林一千卷又源順倭名

類聚鈔序云文館詞林一百秩則彼國所得實為足本今校其所存各卷門類繁多不盡規試之辭且第六百六十五卷後有儀鳳二年書手李神福寫字樣是更在垂拱以前其非刪節之本無疑余按宋太平興國中輯文苑英華收羅至博而此書不見采錄故崇文總目僅載文館詞林彈事四卷宋史藝文志僅載文館詞林詩一卷是皆零殘之遺若其全書則已為北宋人所不見通志畧載文館詞林一千卷據唐志入錄實未見原書此十四卷中雖略有見於史書文選及本集者而其不傳者十居八九可不謂希世珍乎刻成後柏木政矩復貽目錄一紙據稱是嘉永間小林辰所訪通計其國

文館詞林

跋尾

尚存三十卷至今有存於淺草文庫者有存於西京大覺寺者皆不易傳錄故今附刻其目以俟後之人焉光緒甲申二月宜都楊守敬記

小林辰所得元祿間鈔本文館詞林目錄

- | | |
|--------|-------------------------|
| 卷一百五十二 | <small>西京大覺寺影鈔本</small> |
| 卷一百五十六 | <small>西京大覺寺影鈔本</small> |
| 卷一百五十七 | <small>西京大覺寺影鈔本</small> |
| 卷一百五十八 | <small>西京大覺寺影鈔本</small> |
| 卷一百六十 | <small>西京大覺寺影鈔本</small> |
| 卷三百三十八 | <small>未詳所在</small> |
| 卷三百四十六 | <small>西京大覺寺影鈔本</small> |

卷六百九十三 未詳所在

卷六百九十五 原本攝津國勝福寺所藏又佚存

叢書

卷六百九十九 西京大覺寺影鈔本又藏元祿真年

寫本 今

卷名未詳殘簡 西京大覺寺影鈔本此卷現存自

後梁蕭大覺寺影鈔本此卷現存自

侍中為表凡三首加

卷六百六十二
卷六百六十四
卷六百六十五
卷六百六十六
卷六百六十七
卷六百六十八
卷六百六十九
卷六百七十

文館詞林

跋尾

卷六百九十三

卷六百九十五

卷六百九十九

卷名未詳殘簡

未詳

未詳

未詳

未詳

未詳

未詳

未詳

未詳

未詳

未詳

未詳

未詳

未詳

未詳

未詳

未詳

未詳

未詳

未詳

未詳

未詳

未詳

未詳

未詳

未詳

未詳

未詳

未詳

未詳

